



Grunneiere og naboer

Kontakt saksbehandlar

Solbjørg Engen Torvik, 51 56 88 03

Frivillig vern av skog - oppstart verneprosess i Rogaland 2025 - Baklåsjuvet

Statsforvaltaren i Rogaland kunngjer, med heimel i § 42 i naturmangfaldlova, oppstart av verneprosess for Baklåsjuvet (del av Andvika) i Suldal kommune i Rogaland. Området er tilbudd gjennom ordninga frivillig vern av skog. Føremålet med oppstartsmeldinga er å innhente synspunkt på og meir kunnskap om forslaga til vern, og å sikra medverknad før det vert laga eit konkret verneforslag med verneforskrift og vernekart. Etter innspelsperioden er over, vil det utarbeidast eit høyringsforslag. Vidare vil det vert gjennomført offentleg høyring av verneforslaga, før det vert sendt ei tilråding av verneforslaga til Miljødirektoratet.

Innspel på kan sendast til Statsforvaltaren i Rogaland innan 10. oktober 2025, ref. 2025/11686.

Med heimel i naturmangfaldlova § 42, melder Statsforvaltaren i Rogaland oppstart av verneprosess for eit skogområde:

- **Baklåsjuvet** i Suldal kommune, ca. 374 daa, eigd av 2 grunneigarar (dette er ein liten del av opphavelig tilbodsareal).

Aktuell verneform er naturreservat etter naturmangfaldlova § 37, jf. § 34. Området er tilbudd gjennom ordninga med [frivillig vern av skog](#), der grunneigarane får erstatning for skogen.

Merk at me for få dagar sidan meldte oppstart av verneprosess i 5 andre område i Rogaland. Dette verneforslaget er del av den same oppstartsprosessen med same referanse hos oss. Samla areal for alle 6 foreslåtte verneområde er 3762 daa. Forslag til alle vernekart og naturfaglege rapportar, finst på heimesida til [Statsforvaltaren i Rogaland](#) under Miljø og klima, eller kan sendast på e-post ved førespurnad, sjå kontaktinformasjon til slutt i brevet. Områda vert også kartfesta i [Naturbase](#) og [Temakart Rogaland](#) som *Foreslåtte verneområder*.

Innleiing om verneprosessen

Me gjer særleg merksam på at kartet ikkje er eit verneforslag, men det arealet som skal vurderast vidare i verneprosessen. Til dømes kan det vere kunnskap og vurdering av verneverdiar som ikkje er heilt avgjort, grensene kan justerast etter innspel og det kan koma innspel om stiar eller anna som



bør teiknast inn på vernekartet. Etter at innspelperioden er over, vert verneforslag utarbeidd med forslag til vernekart og forslag til verneforskrifter. Desse vert også avklart med grunneigarane.

Verneforslaga sendast ut på offentleg høyring. I høyringa vert innspela omtalt og Statsforvaltaren grunnjev endringar og eventuelt kvifor innspel ikkje fører til endringar. Etter at nye innspel på verneforslaga i høyringsrunden er gjennomgått, vert eit endeleg verneforslag utarbeida av Statsforvaltaren. Denne tilrådinga til vern vert sendt til Miljødirektoratet og alle andre høyringsinstansar. Miljødirektoratet skal så utarbeide si tilråding til Klima- og miljødepartementet. Ein må forventa at det kan koma endringar i kart og forskrift gjennom heile verneprosessen.

Kort om overordna formål med vern

Skogvernet skal medverka til å nå nasjonale målsetnader¹ for naturmangfald som Stortinget slutta seg til gjennom bl.a. handsaming av Meld. St. 14 (2015-2016)² *Natur for livet* og Meld. St. 35 (2023-2024)³ *Bærekraftig bruk og bevaring av natur* og FNs Naturavtale (desember 2022)⁴. Hovudbodskapen i desse er eit mål om å stoppe og reversere tapet av natur og økosystem. Vidare at økosystema skal ha god tilstand og levere økosystemtenester, at ingen artar eller naturtypar skal verte utrydda, og at eit representativt utval av norsk natur skal tas vare på for komande generasjonar. Ei rekke trua naturtypar og halvparten av alle trua artar i Noreg er bunden til skog og skogsmiljø. Dei aller fleste av desse artane høyrer heime i den eldre urørte skogen, og fleire artar av lav, insekt, sopp og fugl er avhengig av gammal skog og død ved. Gjennom vern får skogen stå urørt og utvikle seg fritt, og mange livsmiljø vil sikrast. Skogvern er difor eit viktig og prioritert tiltak for å ta vare på norsk naturmangfald. Stortinget har sett som mål å verna 10 % av skogarealet. Eit representativt utval av skogen tyder at det skal vernast alle typar skog som finst i Noreg. Derfor er det gitt føringar for kva typar skog som manglar i skogvernet i dag, og me leiter etter dei typane som manglar og har gode verneverdiar, er sjeldan og har førekomstar av trua og nær trua artar og/eller naturtypar.

Kunnskapskjelder

Rapportar frå naturfaglege kartleggingar kan lastast ned frå margen til høgre på sida på nettsida nemnt ovanfor. Rapportane frå skoganalyse er ein ny type rapport som utarbeidast etter kartlegging når områder skal vurderast for vern. I [denne storyen](#) kan du lese om kva som inngår i analysane og korleis me vurderer om skog er verneverdig. For alle områda føreligg ein skoganalyserapport, eventuelt også ein annan type rapport som danner kunnskapsgrunnlaget. Ikkje alltid er heile det foreslåtte verneområdet kartlagt, då det av og til kjem meir tilbodsareal etter kartlegginga. Andre kunnskapskjelder er nasjonale og regionale databasar. Kartlagde skogområde, naturtypar, registrerte artar og mogleg naturskog kan sjåast på kart i Naturbase⁵ og i Temakart Rogaland⁶. Artsregistreringar er kartfesta i Artsdatabankens⁷ Artskart og vurderingar av raudlista naturtypar og raudlista artar finst også der. Informasjon om ansvarsartar finst på sida *Arter av nasjonal forvaltningsinteresse*⁸ hos Miljødirektoratet.

¹ Miljøstatus [Norges klima- og miljømål - Miljøstatus \(miljodirektoratet.no\)](#)

² Meld. St. 14 (2015–2016) *Natur for livet* <https://www.regjeringen.no/no/dokumenter/meld.-st.-14-20152016/id2468099/>

³ Meld. St. 35 (2023–2024) <https://www.regjeringen.no/no/dokumenter/meld.-st.-35-20232024/id3054780/>

⁴ Naturavtalen <https://www.regjeringen.no/no/tema/klima-og-miljo/naturmangfold/innsiktsartikler-naturmangfold/naturavtalen/id2987476/>

⁵ Naturbase <https://geocortex02.miljodirektoratet.no/Html5Viewer/?viewer=naturbase>

⁶ Temakart Rogaland <https://www.temakart-rogaland.no/>

⁷ Artsdatabanken <https://www.artsdatabanken.no/>

Norsk rødliste for naturtyper 2018 <https://artsdatabanken.no/rodlisteformaturtyper>

Norsk rødliste for arter 2021 <https://artsdatabanken.no/lister/rodlisteformarter/2021/>

Artskart <https://artskart.artsdatabanken.no/>

⁸ Arter av nasjonal forvaltningsinteresse <https://kartkatalog.miljodirektoratet.no/dataset/details/21>



Omtale og skildring av naturverdiar i verneforslaget Baklåsjuvet

Foreslått verneområde ligg på nordvestsida av Sandsfjorden ved Allmenningsteigen, frå Brattaberg i sør til Midvik i nord. Området går frå sjøen i den sørvestlege lia opp til fylkesvegen og vidare opp over tunnelen Almenningen til kote 300 moh på det høgaste kor ein fangar opp det brattaste i Baklåsjuvet.

Verneområdet trong eit anna namn enn tilbodsområdet hadde (Andvika), då det berre er ein liten del av tilbodet som har verneverdiar som det er aktuelt å verna. Statsforvaltaren foreslår Baklåsjuvet, men er open for andre forslag. Me ønsker innspel angående namn.

Føremålet med vernet er å ta vare på eit område som inneheld trua, sjeldan eller sårbar natur i form av den trua naturtypen lågurtedellauvskog (VU) med innslag av store gamle edellauvtre og osp. Naturtypen lågurtedellauvskog kan innehalde mange trua og nær trua artar.

Statsforvaltaren vurderer at det foreslåtte verneområdet har stor verdi og fyller manglar i skogvernet på regionalt nivå ved at det har store areal med den trua naturtypen lågurtedellauvskog som er ein prioritert naturtype i vår region. Slike skogar kan husa ei lang rekke raudlista artar. Området dekker også manglar i skogvernet ved at det er lågareliggande (< 300 moh), har god bonitetsfordeling og ligg i varmekjært område med fuktig klima. Næraste skogvernområde er Øyna, 1,5 km lenger sør i Sandsfjorden, gir samanheng og godt økologisk nettverk.

Kort om verknader av vern

Områda som vert verna, vil gjennom verneforskrifta få restriksjonar for bruk. Områda skal vernast mot alle former for inngrep som kan strida mot verneformålet. Restriksjonane gjeld i første omgang at det vil verte forbode å øydelegge eller ta med seg alle formar for plantemateriale, både levande og dødt, og at dyr, krypdyr, fuglar og insekt er verna mot skade, forstyrning og øydelegging. Vernet vil ikkje vere til hinder for vanleg, enkelt friluftsliv, men sterk tilrettelegging, er ikkje ønskeleg. Etablering av nye anlegg vil vera utelukka, om ikkje anna er nemnd i verneforskrifta. Verknadene er ikkje omtala fullstendig her, men vil handsamast nøye under arbeidet med verneforskriftene til kvart enkelt verneområde. Eigedsretten i området vil også etter etablering av vernestatus vere dei eksisterande grunneigarane sin, men skogen og trea er Staten sine.

Det er ikkje kjent særlege høve i Baklåsjuvet som treng omtalast her.

Prosessten vidare

Etter å ha motteke innspel på oppstartsmeldinga om verneprosess, vil Statsforvaltaren gå gjennom desse og byrja arbeidet med å fastsette verneforslaget sin avgrensing (vernegrense) og verneforskrift, samt å utforme høyringsdokumentet som inneheld kunnskapsgrunnlaget for verneforslaget og ein gjennomgang av alle innspela og Statsforvaltars vurdering av desse. Verneforslag og verneforskrift vil saman med høyringsdokumentet sendast ut på samordna lokal og sentral høyring. Kunnskapsgrunnlaget saman med høyringsdokumenta og framlegg til vernegrense og verneforskrift vil være grunnlag for Statsforvaltaren sin tilråding om vern til Miljødirektoratet. Miljødirektoratet vil deretter laga si tilråding til Klima- og miljødepartementet (KLD). Til slutt vil KLD samordne sak for kongeleg resolusjon basert på Miljødirektoratet sin samla tilråding nasjonalt.



Innspel til oppstartsmeldinga

Me er svært takksame for synspunkt på og kunnskap om naturverdiar, brukarinteresser og anna. Me ønsker innspel som kan bidra til gode løysningar for både vern og bruk. Innspel kan sendast med brev eller e-post til Statsforvaltaren i Rogaland.

Frist for å sende innspel til oppstartsmeldinga er sett til 10. oktober 2025.

Postadresse: Statsforvaltaren i Rogaland, Miljøvernavdelinga, Pb. 59, 4001 Stavanger

E-postadresse: sfropost@statsforvalteren.no.

NB! Merk førespurnaden med vår referanse 2025/11686. Hugs også namn på omtalt område.

Dette brevet vert sendt til grunneigarar og naboar av verneområda som er føreslått, alle kommunar i Rogaland, samt aktuelle lokale, regionale og nasjonale høyringsinstansar.

Ta gjerne kontakt med saksbehandlar hos Statsforvaltaren i Rogaland dersom dykk har spørsmål. Solbjørg Engen Torvik, 51 56 88 03, solbjorg.torvik@statsforvalteren.no

Med helsing

Cathrine Stabel Eltervåg (e.f.)
fylkesmiljøvernsejef

Solbjørg Engen Torvik
seniorrådgjevar

Dokumentet er elektronisk godkjent

Vedlegg

- 1 Oppstartskart, Baklåsjuvet, A4_1-6000
- 2 Oversiktskart, alle 6 med oppstart i september 2025
- 3 Adresseliste OPPSTARTSMELDING Baklåsjuvet 2025

Kopi til:

Sven Helge Einarsen	Indre Åsarøyvegen 4	4235	Hebnes
Jarle Lien	Marvikvegen 147	4235	Hebnes
Arild Ersdal	Dr. Eyes Gate 12	4009	Stavanger
ROGALAND FYLKESKOMMUNE	Postboks 130 Sentrum	4001	STAVANGER

Adresseliste:

Egil Schibevåg	Rønnevikvegen 4	5583	Vikedal
John Kåre Øvrebø	Bakkadn 12	4230	Sand